



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-01-04-58637-82/25
Sarajevo, 01.06.2026. godine

SKUPŠTINA KANTONA SARAJEVO O V D J E

N/p Elvedin Okerić, predsjedavajući Skupštine Kantona Sarajevo

PREDMET: Odgovor na zastupničko pitanje, dostavlja se
VEZA - VAŠ akt broj: 01-04-58637-81/25 od 25.03.2026. godine

Poštovani,

Na 28. radnoj sjednici Skupštine Kantona Sarajevo, u okviru tačke Dnevnog reda "Poslanička/zastupnička pitanja, inicijative i odgovori" zastupnik Faruk Selmanović postavio je zastupničko pitanje Vladi Kantona Sarajevo, Ministarstvu finansija Kantona Sarajevo i Uredu za borbu protiv korupcije Kantona Sarajevo, a glasi:

„Poštovani,

U vremenu kada se građanima svakodnevno govori o racionalizaciji potrošnje i odgovornom upravljanju javnim sredstvima, istovremeno izostaje transparentan i jasan prikaz načina raspodjele budžetskih transfera prema neprofitnim organizacijama i pojedincima, što s pravom otvara pitanje - ko, kako i po kojim kriterijima raspolaže novcem građana Kantona Sarajevo.

Prema dostupnim informacijama i uvidima u budžetske tokove, u periodu od 2023. do 31.12.2025. godine iz Budžeta Kantona Sarajevo realizovani su značajni transferi prema neprofitnim organizacijama i pojedincima, po osnovu Uredbe o dodjeli transfera, pri čemu ne postoji jedinstven, jasan i javno dostupan pregled svih dodijeljenih sredstava, njihovih korisnika, pravnog osnova i efekata realizovanih programa.

Posebno se kao pitanje od javnog interesa nameće način raspodjele sredstava putem Kabineta premijera Kantona Sarajevo, imajući u vidu obim i prirodu takvih izdvajanja.



Imajući u vidu navedeno, postavljam sljedeće zastupničko pitanje:

- 1. Koji su svi programi i projekti finansirani iz Budžeta Kantona Sarajevo u periodu od 01.01.2023. do 31.12.2025. godine po osnovu Uredbe o dodjeli transfera neprofitnim organizacijama i pojedincima, sa kompletnim spiskom korisnika (pravnih lica i pojedinaca)?*
- 2. Koji je pravni osnov za dodjelu sredstava u svakom pojedinačnom slučaju, te koji su kriteriji korišteni za odabir korisnika i odobravanje sredstava?*
- 3. Koliki su pojedinačni iznosi dodijeljenih sredstava po programima i korisnicima, kao i ukupan iznos sredstava po godinama (2023, 2024 i 2025)?*
- 4. Koji su programi i projekti finansirani direktno putem Kabineta premijera Kantona Sarajevo, sa preciznim podacima o korisnicima, iznosima i osnovu dodjele sredstava?*
- 5. Na koji način se vrši kontrola namjenskog utroška dodijeljenih sredstava, te da li su vršene revizije i nadzor nad realizacijom ovih programa i sa kakvim rezultatima?*
- 6. Da li je Ured za borbu protiv korupcije Kantona Sarajevo vršio provjere zakonitosti i transparentnosti dodjele ovih sredstava, te da li postoje indikacije eventualnih nepravilnosti ili zloupotreba?“*

O d g o v o r:

U nastavku teksta je odgovor na pojedina pitanja sa aspekta nadležnosti Ministarstva finansija Kantona Sarajevo, a koji se odnosi na dodjelu transfera neprofitnim organizacijama i pojedincima iz budžeta Kantona Sarajevo za period od 01.01.2023. do 31.12.2025. godine, kako slijedi:

U okviru razdjela Ministarstva finansija Kantona Sarajevo u periodu od 01.01.2023. do 31.12.2025. godine po osnovu Uredbe o dodjeli transfera neprofitnim organizacijama i pojedincima iz budžeta Kantona Sarajevo („Službene novine Kantona Sarajevo“, br. 22/21, 13/22, 21/24 i 10/25 i 6/26), nije bilo aktivnosti/programa/projekata neprofitnih organizacija i pojedinaca koji su se finansirali iz budžeta Kantona Sarajevo.

Jedinica za internu reviziju u Ministarstvu finansija Kantona Sarajevo koja je u skladu sa Zakonom o internoj reviziji u javnom sektoru u Federaciji Bosne i Hercegovine formirana kao zajednička za sve budžetske korisnike Kantona Sarajevo integrirane u trezorski sistem (izuzev UNSA), u posljednje tri godine nije revidirala pozicije tekućih transfera u Kabinetu premijera Kantona Sarajevo, ali svake godine planira i provodi revizije transfera kod budžetskih korisnika Kantona Sarajevo prema prioritetima određenim na osnovu finansijskog, operativnog i/ili drugih poslovnih rizika, odnosno prema učestalosti revizorskog ispitivanja kod pojedinačnih budžetskih korisnika.

Shodno navedenom, Jedinica za internu reviziju je 2024. godine planirala i provela reviziju tekućih transfera neprofitnim organizacijama u Kabinetu predsjedavajućeg i zamjenika predsjedavajućeg Skupštine Kantona Sarajevo, dok je revizija implementacije transfera u Kabinetu premijera Kantona Sarajevo planirana da se provede u idućem periodu.



Adresa: Maršala Tita 62, 71 000 Sarajevo
Tel: + 387 (0) 33 565-005, Fax: + 387 (0) 33 565-052
Web: <http://mf.ks.gov.ba>, E-mail: mf@mf.ks.gov.ba

2/3

Napominjemo, da su u skladu sa Uredbom o dodjeli transfera neprofitnim organizacijama i pojedincima iz budžeta Kantona Sarajevo, pitanja planiranja sredstava, donošenje programa utroška, utvrđivanja pravnog osnova i kriterija dodjele, provođenja postupka dodjele, zaključivanja ugovora, praćenja provođenja, evaluacije učinaka i postupanja u slučaju nepravilnosti u nadležnosti davaoca sredstava, dok nadzor nad utroškom budžetskih sredstava vrši davalac sredstava i Budžetski inspektorat Ministarstva finansija Kantona Sarajevo.

Odgovore na pitanja planiranja sredstava, donošenje programa utroška sredstava, pojedinačne odluke o dodjeli sredstava, prvenstveno mogu dostaviti davaoci sredstava, dok značajan dio podataka za navedena pitanja već je javno dostupan kroz Registar transfera Kantona Sarajevo.



Dostaviti:

1. Predsjedavajući Skupštine Kantona Sarajevo
2. Stručna služba Vlade Kantona Sarajevo
3. MF-sekretar
4. a/a

Akt pripremila: Lejla Elezović

Akt pregledali: Amina Moće
Nihad Kurtić
Sanel Gazija
Vanja Arapović
Edna Bojić
Berina Filipović

